



## **CIRCULAR 92-2022.**

# **CAMPIONATO XUNTA DE GALICIA DE CAMPO A TRAVÉS ABSOLUTO, SUB 23, SUB 20, SUB 18, SUB 16 POR EQUIPOS E DE RELEVOS ABS MIXTO.**

- *A todas as Delegacións da FGA*
- *A todos/as os/as asembleístas*
- *A todos os clubs galegos con licenza vixente*
- *A todos/as os/as adestradores/as con licenza vixente*
- *A todos/as os/as xuíces/zas galegos/as con licenza vixente*

**Art.1).**- A Federación Galega de Atletismo e o Concello de A Rúa, organizan o Campionato de Galicia Absoluto, Sub23 e Sub20 de campo a través por equipos masculino e feminino, Campionato de Galicia Sub 16 e Sub 18 por equipos masculino e feminino e Campionato de Galicia de Relevos Absoluto Mixtos o 30 outubro en A Rúa no circuíto da chopera.

**Art.2).**- Para a clasificación por equipos utilizaranse as seguintes categorías: Abs (2002 e anteriores) Sub23 (2000, 2001,2002) e Sub20 (2003 e 2004) Sub 18 (2005 e 2006) e Sub 16 (2007 e 2008) tanto en homes coma en mulleres.

**Art.3).**-Os/as atletas máster poderán participar como atletas da categoría sénior e formar equipo absoluto, a tódolos efectos.

**Art.4).**- Poderán intervir todos/as aqueles/as atletas das citadas categorías que se atopen en calquera das seguintes condicións:

- Atletas que teñan fichado ó longo da tempada actual (2022) por algún Club pertencente a Galicia.

**Art.5).**- Publicarase a clasificación dos equipos en cada unha das categorías.

Para poder puntuar por equipos cada Club deberá clasificar a 4 corredores/as que formen o equipo. Cada club terá dereito a formar un só equipo por cada categoría e sexo.

Cada club poderá inscribir un número ilimitado de corredores, dos cales só contarán na clasificación os 6 primeiros en entrar en meta. No caso de ter algún asociado ou estranxeiro (**máximo 1 atleta estranxeiro, máximo 1 atleta do club filial**), deberá definir na inscrición cales son os que entran nos 6 a puntuar. Todos os atletas dun mesmo club saíran do mesmo caixón.

No caso de non presentarse na cámara de chamadas polo menos 4 integrantes dun equipo, dito equipo quedará excluído da competición non podendo saír a correr.

O relevo mixto compoñerase de 2 homes e 2 mulleres; atletas Sub20 ou superiores, máximo 1 atleta estranxeiro, máximo 1 atleta do club filial. A orde de participación será: home, muller, home e muller. Cada corredor/a dará unha volta (aproximadamente 1.500m) ata completar o equipo un total 4 voltas.



**Art.6).**- A forma de clasificación por equipos será a seguinte:

1. Confeccionarase unha lista de chegada formada polos/as atletas que compoñen os equipos con exclusión dos que non teñan polo menos a 4 atletas na saída. (unha de Sub 23 e outra de absolutos)
2. A cada atleta atribuiráselle un número de puntos coincidente co posto que ocupe segundo esta lista de chegada.
3. Sumaranse os puntos dos 4 mellores clasificados/as de cada equipo. Proclamarase vencedor o equipo que obteña o menor número de puntos.
4. Os empates a puntos resolveranse a favor do equipo cuxo cuarto/a atleta teña finalizado máis preto do gañador/a da proba.
5. Os atletas Sub23 poderán formar parte do equipo absoluto, no caso de facelo só o farán nesa categoría. Na inscrición deberá indicar no campo dorsal "absoluto" para que se puntúe nesta categoría.

\*Para a clasificación terase en conta a normativa da RFEA en relación ós/ás atletas estranxeiros/as e os clubs asociados.

**Art.7).**- Horario provisional:

HORA	CATEGORÍA	DISTANCIA	
10:00	Mixto	6000 aprox	30 min*
10:30	Sub 16 M	3000 aprox	18 min*
10:50	Sub 16 H -Sub 20 M	4000 aprox	22 min*
11:15	Sub 18 M	4000 aprox	24 min*
11:40	Sub 18 H	4500 aprox	26 min*
12:10	Sub 20 H- Sub 23 M	6000 aprox	35min*
12:50	Abs M -Sub 23 H	8000 aprox	44 min*
13:40	Abs H	10000 aprox	55 min*

**\*pecharase o control de chegada unha vez cumprido o tempo determinado para cada carreira**

**Art. 8).**- O control da carreira estará dirixido polo Comité Galego de Xuíces. Todas as reclamacións deberán facerse directamente ó xuíz árbitro da proba como máximo ata 30 minutos despois da publicación dos resultados.

**Art.9).**- As inscricións realizaranse a través do sistema online na [web da R.F.E.A \(ligazón\)](#) con data límite o luns 24 de outubro ás 20:00 horas

**Art.10).**- A orde de colocación dos equipos respectivos na saída establecerase por sorteo.

**Art.11).**- Todos os atletas deberán pasar por cámara de chamadas, apertura 25 minutos antes e peche 15 minutos antes, da saída de cada proba (o horario de cámara de chamadas poderá ser modificado en función dos atletas inscritos). Os atletas saíran a zona de saída ca roupa de competición. Nas categorías que se compita exclusivamente por equipos, os equipos deberán entrar á vez con todos os seus integrantes.



## **CIRCULAR**

Complexo Deportivo de Elviña, Avenida de Glasgow, 13  
15008 A Coruña. - T. +34 981 291 683 - federacion@atletismo.gal  
atletismo.gal - carreirasgalegas.com

**Art.12).**- Os/as atletas deberán utilizar o dorsal de forma totalmente visible, por diante, en toda a súa superficie. O incumprimento desta norma poderá ser motivo de descualificación. Será responsabilidade dos/as atletas levar consigo imperdibles ou calquera outro sistema para a colocación do dorsal.

**Art.13).**- A responsabilidade das inscricións dos atletas, salvo que sexan independentes, corresponderá ao seu club. Aplicaranse as seguintes penalizacións polo incumprimento da normativa de inscricións:

- Nas 24 horas previas e no propio campionato calquera baixa ou a non participación final no Campionato terá unha sanción de 5 euros por proba, salvo causa xustificada e comunicada previamente por escrito á FGA [direcciontecnica@atletismo.gal](mailto:direcciontecnica@atletismo.gal)
- Os posibles cargos derivados do incumprimento na comunicación das posibles baixas, seguirán as consideracións establecidas na normativa técnica da FGA para a tempada 2022.
- Non acreditar a veracidade nas inscricións enviadas á F.G.A. (6 euros por atleta con datos falsos).
- Se non realiza a inscrición no prazo estipulado, deberá aboar 3 euros de recargo.
- A aceptación do participante por inscribirse fóra de prazo será competencia do director técnico, en función das características da proba onde se desexe inscribir o/a atleta, podendo ser esta denegada.

**Art.14).**- Todo o non disposto no presente regulamento resolverase, por esta orde, de acordo as normas da F.G.A., R.F.E.A. e W.A.

**Art.15).**- Unha vez rematada a competición, todos aqueles clubs interesados en participar no Campionato de España de Campo A Través por clubs, deberán enviar un correo a [direcciontecnica@atletismo.gal](mailto:direcciontecnica@atletismo.gal) antes das 20:00 de 30 de outubro, indicando a categoría e o sexo do equipo/os con que quere participar.

A Coruña, 17 de outubro de 2022

Carlos Castro Vicente  
Secretario da Comisión Xestora da Federación Galega de Atletismo